

Uc

9476

Gebet  
in  
Krie-  
ges-  
gefahr  
1649.



Uc 9476

80



stdr0015409

Biblioteka Jagiellońska

Uc 9476



25.  
-50



<sup>1893.3720</sup>  
Ein Christlich allgemein  
Gebet/

Welches in gegenwertiger grossen Krieges/  
Gefahr der löblichen Cron Polen/ wieder alle dersel/  
ben Feinde/ in den Kirchen des Herzogthums  
Preussen/ nach der Predigt/ zuhalten/  
angeordnet ist/

Auch einem jedern in seinem Hause  
vnd Herzen andächtig zu beten  
treulich anbefohlen wird.

Es stehe Gott auff/ das seine Feinde  
zerstreuet werden. Psal. 68.



---

Königsberg/ gedruckt bey Pasche Mensen/  
Im Jahr Christi 1642.



## Eine kurze Vermahnung zur Buße.

**L**iebe Freunde in Christo dem HERN/ Es ist  
numehr Landkündig vnd sol auch niemanden  
unter vns verborgen seyn/ daß die löbliche  
Crone Polen/durch unverhofften Einfall der Fein-  
de/mit vieler tausend Christen Blutvergießung/vñ  
anderer Tyrannen/ unlangst angegriffen worden;  
Darumb ist numehr hohe Zeit/ von Herzen ware  
Buße zuthun/ dazu Euch den Iehu der Allmächtige  
Gott/ vnd unsere gnädigste hohe Landesfürsliche  
Herrschaft ermahnen lesset/ auch ernstlich befielet/  
daß ihr/sonderlich in dieser Noht vñ Gefahr/allerley  
überfluß anessen/ trincken/kleiden/ vnd alle andere  
üppigkeiten ganz abstellen/nüchtern vnd mäßig le-  
ben/ euch für Gott von Herzen demüthigen/ vnd zu  
ihm bekehren sollet/ auff daß ihr also geschickter sein  
möget zu einem andächtigen Gebete wieder gedach-  
te bößhaftige Feinde/ vnd für unsern gnädigsten  
König/ daß ihm Gott Glück vnd Sieg/ zu unserm  
Schutz/ verleihen wolle; Bekehret euch demnach  
zum HERN unserm Gott von ganzen Herzen/  
mit fasten/ mit weinen vnd klagen/ Zureisset eure  
Herzen/ vnd nicht eure Kleider/ vnd bekehret euch  
zum HERN eurem Gott. Den Er ist gnädig/ auff  
daz er unsere Missethat dempfe/ vnd alle unsere Sün-  
de in die Tiefe des Meeres werfe/ vnd seinen Segen  
vnd Frieden über uns kommen lasse: In solcher Buß  
vnd Andacht erhebet mit mir eure Herzen vñ betet:  
O Ewi-

Joel.  
2.  
Mich.  
7.

## Gebete.

**E**wiger Allmächtiger Gott/ vnd Vater un-  
sers HERN Jesu Christ/ du Gott der Ge-  
rechtigkeit/ du hast in deinem H. Befehl durch  
deinen Diener Mosen/ deinem Volke ankündigen  
lassen/ wo es deiner Stimme nicht gehorchen/ vnd  
deine Gebote vnd Rechte nicht halten würde/ So  
woltestu sie mit dem Fluch schlagen/ mit allerley  
geistlichen vnd leiblichen Strafen belegen/ vnd das  
Rachschwert über sie bringen/ daß deinen Bund  
rechen sol. Diese deine Drängungen hastu auch  
gnugsam war gemacht/ nicht allein an Juda vnd  
Jerusalem/ wie auch an dem benachbarten Teutsch-  
lande/ welche du umb ihrer Sünde willen/ durch  
den blutigen Krieg verwüßet hast: Sondern die  
Reize wil numehr auch an die löbliche Cron Po-  
len vnd dero einverleibten Lande/ unter welchen wir  
auch begriffen seyn/ kommen: Sintemal dieselbe  
durch eine gewaltsame Empörung/ einen schreckli-  
chen Einbruch mächtiger Feinde erlitten/ welche  
mit Raub/ Brandt vnd Mordt deiner Christen  
Blut/ wie Wasser/ vergossen/ grausam zerrüttet  
vnd verwüßet worden. Nun lieber Gott vnd  
Vater/ solche schwere Landstraffen haben wir mit  
unsern Sünden gar wol verdienet. Denn wir ha-  
ben den Augen deiner Majestet widerstrebet/ sind  
gottloß gewesen vnd von deinen Geboten vnd

Deut.  
28.

Levit.  
26.

Pfal.  
79.

)( ij

Rech.

VHs 1196492

Ex  
Bibliotheca Regia  
Berolinensi



Rechten gewichen/ haben nur allzusehr dich zu ge-  
rechtem Zorne vnd wolverdieneter Straffe betwo-  
gen/ welches alles uns denn herhlichen leid ist.

Du aber/ O getreuer Gott vnd Vater / Sihe  
nicht an unsere grosse Sünde vnd Missethat / son-  
dern deine grundlose Gnade vnd Barmherzigkeit;  
Dencke an dein heiliges theüres Wort/ welches du  
uns/ auß Väterlicher Gnade/ lauter vnd rein gege-  
ben hast / Vergiß nicht deines Erbtheiles/ welches  
dein lieber Sohn/ unser Heyland Iesus Christus  
mit seinem theüren Blut erkauft hat / Auß wel-  
chem uns diese mächtige/ grimmige Feinde außzu-  
stossen gedenden. Derowegen/ O gnädiger Gott  
vnd Vater/ bitten wir nun/ im namen deines ein-  
gebornen lieben Sohnes unsers HErrn Iesu  
Christi / vnd schreien zu dir / in wahrer Buß vnd  
Reu/ vmb Errettung vnd Hülffe. Ach wache doch  
ichho auff / vnd heilige deinen Namen / Errette die  
Ehre deines lieben Sohnes / schütze du uns vnd  
streitte für deine arme Christenheit / damit diese  
grausame Feinde nicht sagen mögen; Wo ist nu  
ihr GOTT? Laß unter diesen unsern Feinden  
kund werden die Rache des Blutes deiner Knechte/  
das vergossen ist. Ja du König der Ehren Iesu  
Christe/ der du sitzest zur Rechten deines himlischen  
Vaters/ vnd herrschest über alle Fürstenthumb/ Ge-  
walt/ Macht/ Herrschafft/ vnd alles/ was genandt  
mag

Joel.

2.  
Pf. 79.

Eph. 1.

mag werden im Himmel/ auff Erden/ vnd unter der  
Erden: Sey du früh ein starcker Arm/ vnd gewalti-  
ger Schutz der löblichen Krone Polen vnd unser  
aller/ wieder die obgedachte vnd alle andere Feinde:

**Beweiß deine Macht HErr Iesu Christ/**

**Der du HErr aller Herren bist/**

**Beschirm dein arme Christenheit/**

**Daß sie dich lob in Ewigkeit.**

Schütte demnach deinen Grimm auff die Feinde/  
die deines heiligen Namens mißbrauchen/ vnd ver-  
tilge sie/ Mache sie wie einen Wirbel/ wie Stoppeln  
für dem Winde/ Verfolge sie mit deinem Wetter/ vnd  
erschrecke sie mit deinem Ungewitter/ Mache ihre  
blutdürstige Rahtschläge zur Narheit wie Achito-  
phels/ vnd ihre Angesicht vol schande/ So werden  
sie erkennen / daß du mit deinem Namen heiffest:  
HERR alleine/ vnd der Höchste in aller Welt.

Hergegen aber sihe gnädiglich auff deine Die-  
nere/ Unsern gnädigsten König vnd daß ganze  
Christliche Heer / welche ichho / in nicht geringer  
Noht vnd Gefahr stehen/ vnd die schwere Krieges-  
Arbeit/ dem Vaterlande zum besten / ertragen vnd  
außstehen müssen / Sey du eine feürige Maur  
umb sie her / vnd erzeige dich herlich darinnen/  
Behüte sie doch wie einen Augapffel im Auge/ Be-  
schirme sie unter dem Schatten deiner allmächtigen  
Hand/

Esa.

34.

Pfal.

82.

2. Sam.

15.



Hand/ wieder ihre Feinde vnd wieder alle die/ welche sich gegen Ihre Kön. Mayt. vnd die löbliche Krone freventlich setzen vnd empören.

Stärke aber unsern gnädigsten König mit der Krafft auß der höhe/ vnd mache das Schwerdt/ welches du Ihrer Kön. Mayt. selber in die Hand gegeben/ sieghafft/ Wohne Ihr bey mit deinen heiligen Engelen / den himlischen Heerscharen vnd starcken Helden/ durch dieselbe begleite sie an allen Orten vnd Enden / vnd verleihe Ihr Glück vnd Sieg/ wieder mehrgedachte Ihre vnd der löblichen Cron Polen Feinde/ Vnd gib durch deine allmächtige Gnadenhand/ daß Ihre Königl. Mayt. sambt dero gankem Heer / mit guter Gesundheit / vnd glücklichem Triumph / zu rechter Zeit/ nach Hause gelangen/ vnd dero Königlichen Thron zu langen Jahren ruhiglich besitzen vnd friedlich regieren möge/ Vnd also wir vnd unsere Nachkommen / vnter ihrem Schutz/ dein heilig/ vnd seligmachend Göttliches Wort/ in guttem Friede behalten/ in einem bußfertigen newem Leben wandeln/ vnd dich unsern Gott vnd Allmächtigen Schutzherrn/ beydes allhie in deiner Gemeine/ als dort in ewiger Freud vnd Herzlichkeit loben vnd preisen mögen.

In dessen behüte vns vor allem Anlauff der Feinde/ auff daß wir kein Wafen der Feindschafft fürch-

fürchten / die wir uns auff deinen Schutz verlas-  
sen / Schaffe vnd erhalte allen unsern Grenzen  
Fried/ vnd segene uns vnd unsere Kinder drinnen.

psal.  
147.

Solch unser Gebete/ weil du es geheissen/ vnd zu erhören verträgst hast / wollestu / lieber Gott vnd Vater / in allen Gnaden erhören vnd gewehren / wie wir glauben vnd trauen umb deines lieben Sohnes / unsers Herrn vnd Heylan-

des Jesu Christi willen/  
AMEN.









Z  
8/4/



Gesrh. Polen  
165.



